


सतुच शोछ




द्वारिका नाथ कौल
'द्वारिका'

A17 R3




83544



सतुच शोछ



सद्गुरु श्री जगर नाथ बान
जीन्यन चरनन् अर्पण



सुद्ध लक्ष्मी पीठ
लुक - भवन

सतुच शोछ

द्वारिका नाथ कौल
'द्वारिका'

All rights reserved. No part of the book may be reproduced, stored in a retrieval system or transmitted in any form or by any means, electronic, mechanical, photocopying, recording or otherwise without prior written permission from the editor.

© द्वारिका नाथ कौल 'द्वारिका'
11/4, Bharat Nagar,
Bantalab, Jammu (J&K)
M.No.: 094198-20145

किताब : सतुच शेष
कम्प्यूटर लेआउट: आई आई एल एस
471/2 विनायक नगर, मुट्ठी,
जम्मू - 181205
रिंकू कौल # 094191-36369
छपन सन्तु : 2016 ई०
मोल : ₹ 200.00
छाप खानु : Raina Art Printers
Tele. : 0191-2595499
Mob. : 9419141499
किताब कति मेलि: Sh. Pawan Kumar Koul
11/4, Bharat Nagar,
Bantalab, Jammu (J&K)
M.No.: 094198-20145

SATCH SHACH

Devotional Poetry

by

Sh. Dwarika Nath Koul 'Dwarika'

Year : 2016

Price : Rs.200.00

भजनन हुंद फिहरिस्त

	ग्वडु कथ	5
1.	श्री गणेशा करतम दया	8
2.	ग्वरु दीव भान सॉब ज्ञान वानय	9
3.	ग्वरु देव लगयो चान्यन चर्णन	11
4.	ग्वर देवा छम चॉनी आस	13
5.	जीव आत्मा छुय प्रानि खोतु प्रोन	14
6.	क्षण क्षण ॐ स्वर	15
7.	दाता दया निधान	18
8.	ह्योतुम ॐकार व्वन्य छारुन	19
9.	ब्रह्माण्ड सोरुय ॐ रूप छुय	20
10.	भक्ति भाव स्वर ॐ ॐ ॐ	21
11.	याम सोर मे ॐ ॐ, दूर गव मे मूह भ्रम	22
12.	ॐकुय शब्दा याम कनन गोम	23
13.	प्राणच स्वरनय वज्ञान शब रोज़	25
14.	दयो थावतम पनुज सुम्रन	26
15.	गछ शरण गीताये	28
16.	गायत्री अस्तोती	31
17.	रूप रॅस्ति छारय कोस छय शकलय	34
18.	सूर्य अस्तोती	36
19.	अज्ञ छय एकादशी	38
20.	बॉगराव महोबत तु प्यार	40

21.	मन श्रोत्रि तस यस श्रूत्र आसि ख्यन	41
22.	ॐ नमः शिवय ज़पु श्रदाये	43
23.	युस करान दूर सान्यन कष्टन	45
24.	बम बम बोलान छु	46
25.	हरि ॐ ॐ कारा	48
26.	दुर्दशा दूर करान छि नौ दुर्गीये	49
27.	दूरि प्यठ आसय बोज़तम वीलज़ार	51
28.	दुर दशा दूर कर बोज़ ज़ारुपार	53
29.	भखत्यव सँमिव सॉरी	55
30.	मण्डली ह्यथ गछव देवी आंगन	56
31.	कश्यप मण्डलच माँ शारदा	57
32.	शारदा कर सोन मौकलन पाये	59
33.	छलु छांगरि गोम मन लोलो	61
34.	ग्वरु देव म्योन रेहबरय	62
35.	सत् संग रंगनाव जंग लद पान	64
36.	सतची करतो चु ज़ान	65
37.	दयस मे वन्योम छुस चोन बन्धय	66
38.	दर्शुन हाव मे नन्दु लाल	67
39.	हे दयि कासतम कालुन भये	69
40.	भखुत्यो ज़ान घर थावतो बअरथई	70
41.	महा वीर हनुमानई	71
42.	दयो चु छुख दयावान	72
43.	अनन्त रूप विष्णु भगवान	74
44.	जय हनुमाना अति बलावाना	76

ग्वडु कथ

कॅशीरि छि पथ कालि प्यठु सॉरसुय दुन्याहस मंज मशहूर ।
 येतिच प्रकृती छि स्यठाह शूबवुन्य, लूबवुन्य तु मॉर्यमंज । अमि
 अलावु छि कॅशीरि 'रेश्यवॉर' ति वनान । येतिक्वय साधव, सन्तव,
 रेश्व तु सूफी फॅकीरव छु अध्यात्मस मंज स्यठाह कमाल होवमुत ।
 येतिचि धरती प्यठ छु वख्तु-वख्तु गोनमातव जन्म ह्योतमुत, यिमव
 कॅशीरि हुंदिस प्रथ कुनि मोजूहस प्यठ शॉयरी कॅरमुच छि ।

कॅशीरि छि भख्ती शॉयरी मंज ति पेश-पेश रूजमुच । येतिक्व
 संत तु भॅखुत्य येलि अध्यात्मकिस सॅदरस मंज मगन गॉमुत्य छि तु
 तिमव छि पनुनिस आराध्य दीव सुंद लोल इजहार करनु खॉतरु
 अँन्दु वुजिन्य लॅजमुच । तिमव छि पनुन्यन भजनन मंज अध्यात्मक
 राज वेछुनोवमुत तु आम लूकन चेनवन दिचमुच जि येमि कायिनातुक
 मुच छु पोज दयि लोल । तिहुंद वनुन छु दयि लोल छु तेली गनान
 येलि सतुच पॉर्यज्ञान गछान छेय । अथ पसिमँजरस मंज छि ललुद्यद,
 र्वपु भावॉन्य, परमानन्द, नुन्दु र्योश, कृष्ण जुव राजदान, मास्टर
 जिन्दु कौल स्यठाह मशहूर ।

“सतुच शेछ” छि अँक्व तिथ्य संत शॉयिरन लीछमुच
 येमिसुंद नाव द्वारिका नाथ कौल 'द्वारिका' छु । श्री द्वारिका नाथ
 कौल छु लूकबवन, अनन्तनाग किस अँकिस गरीब ब्रह्मण परिवारस
 मंज त्रुवाह जनवरी 1941 हस मंज थनु प्योमुत । अँम्य सुंदिस मॉलिस
 ओस पं० गोपाल कौल तु माजि ऑसिस ज़ूनमाल वनान । गोपाल

कौल ओस अख श्रूच ब्रह्मण, येमिस वीद-शास्त्रन हुंद सोन तु गोन ज्ञान ओस । जून माल ऑस पतिव्रती बटुन्य मगर स्यठा ख्वददार तु निडर । बुधि प्यठ ओस तस शंग्रफ पशपान । दिलु किन्य ति ऑस साफ । द्वारिका नाथ जियस लॅज ग्वडु Common Wealth Institute of Biological Control लस मंज नौकरी । पाँचि वुहर्य पतय त्रॉव्य तॅम्य यि नौकरी, मगर अमि पतय लॅग्य तिम महकमय तॉलीमस मंज टीचर । यि नौकरी हेच अॅम्य सुंज माजि तमि वख्तुकिस वजीरि ऑलाह जिनाब मीर कॉस्मस लडिथ । तिमव कोर अख मार्च 1974 तस मंज बहस्यिति टीचर जौयिन । येति छि यि कथ ति वनून्य लॉजिमी जि यिमन आव अमि ब्रोंठ 1966 हस मंज मटनुकिस श्री माधव राम खार सुंजि कोरि 'उमा देवी' (येमिस 'आशा जी' ति वनान ऑस्य) सुत्य खांदर करनु । यिमन ज़ाव खॉली अख नैचुव येमिस 'पवन कुमार' वनान छि । द्वारिका नाथ गॅयि 31 जनवरी 1999 तस मंज नौकरी मंजु सुबकदोश ।

द्वारिका नाथ जियस ऑस्य पाँछ बाँय तु चोर बेनि । यिमव मंजु द्वारिका नाथ धर्मात्मा प्रकृती हुंद मॉलिख ओस । अॅमिस ओस पिता जियन्यव संस्कारव सोन तु गोन असर त्रौवमुत । अॅम्य ओस लोकुचारु प्यठुय मामस ख्योन त्रौवमुत । दयि नावस कुन ओसुस स्यठा लौय खोय । यपॉर्य किन्य येलि 1990 तस मंज माईगेशन गॅयि यिमव बनोव जेमि किस भरत नगर, बनतालाबस मंज मकानु । द्वारिका नाथ जियन लॉज अमि पतय स्यठाह तेज़ी सान ॐ कारुच व्वपासना करुन्य । सन् 2000 मंज म्यूल यिमन अख थदि पायुक

संत यिमन पं० जगन्नाथ जी भान वनान छि। यि संत छु कृष्ण जू
राजदान सुंजि परम्परायि हुंद। यिमव कोर यिमन ग्वरु व्वपदीश।
येमि सुत्य अँम्यसुंज साधनायि मंज तेजी आयि। यिमन खुलेयि
वैखुरी तु माता सरस्वती कँरुख कृपा। अमि पतय लोग यिमव
पनुन्यन लीलायन मंज सीरि इसरार बावुन। आँखरस ओस यिमव
अध्यात्मस मंज स्यठा थज़र प्रोवमुत, येम्युक अनुमान अँम्य सुंदव
भजनव ज़र्ययि सपदान छु। 25 नवम्बर 2014 हस मंज कोर यिमव
ब्रह्म-लूकस कुन प्रस्थान।

यथ “सतुच शोछ” किताबि मंज छु यिमव ग्वरु सुंद थज़र
तु ॐ कारुक बजर पनुनिस कलामस मंज वेछनोवमुत। कुनि छि
यिम गायत्री मातायि हुंद महिमा वनान तु कुनि अँज्यकिस इन्सानस
गीतायि शरन गछनुक दरस ति दिवान। कुनि छि ब्रह्माण्डुच थाह
ह्यवान तु कुनि माईग्रेशनि हुंज व्यथा ति पेश करान। कुनि वख्तु छि
हॉरी पर्वत तु कुनि शारदा मातायि हुंज पनुन्यव भजनव ज़र्ययि
यात्रा करनावान। गरज द्वारिका जीन्यन लीलायन मंज छि सगुन तु
निर्गुन व्यछुनॉविथ सतुच शोछ आम लूकन ताम वातनावनु आमुच।
पनुनिस अथ मकसदस मंज छि तिम कामयाब रूदमित्य। “सतुच
शोछ” मंज छि ‘द्वारिका’ सुंद बेशतर भजन शॉमिल करनु आमुत्य
यिम भँखुत्यन वख्तु-वख्तु पथ-प्रदर्शन करि।



श्री गणेशा करतम दया

श्री गणेशा करतम् दया, दूर करसा म्याँज दुर्दशा ।
पापन मे करतम् क्षमा, दूर करसा म्याँज दुर्दशा ॥

आदि दीव छुखना सों चुय, वलभा छय सुत्य सुती ।
मूषक छुय वाहना, दूर करसा म्याँज दुर्दशा ॥

गणन् हुंद छुख चु सरदार, बोड छु चोनुय दरबार ।
चुय छुख विघ्न हर्ता, दूर करसा म्याँज दुर्दशा ॥

दितु सों मे ज्ञान बुद्धि, ऋद्धि सिद्धि छय सुती ।
एकदन्त गजा नना, दूर करसा म्याँज दुर्दशा ॥

शिव नाथ छुय चोनुय पिता, पूजान छिस सोंरी देवता ।
शक्ति पुत्र चु छुखना, दूर करसा म्याँज दुर्दशा ॥

बाह नाव छिय ज्ञेय सुन्दर, भखुत्यन् मनि अन्दर ।
पूर्ण करान छि कामना, दूर करसा म्याँज दुर्दशा ॥

सेन्दरा मॅलिथ चु पानस, पेगरान वुल्ल जहानस ।
भखुत्यन करान छुख रक्षा, दूर करसा म्याँज दुर्दशा ॥

वक्रतुण्ड नाव चोनुय, भवस छु तार वोनुय ।
गज़मुख लम्बोदरा, दूर करसा म्यौज दुर्दशा ॥

सोम्बरोविम् भाव पोष, नादन मे थावतम गोश ।
गुल्य गँडिथ छुय 'द्वारिका', दूर करसा म्यौज दुर्दशा ॥



ग्वरु दीव भान सौब ज्ञान वानय

ग्वरु दीव भान सौब ज्ञान वानय,
रोटमय मे चोनुय दामानय ।
ग्वरु देव म्योन छुख भगवानय ॥
रोटमय मे चोनुय दामानय ॥० ॥

ज़ार बोज़ बबु राजि यियनय आर,
कर्मखुर म्योनुय वज चु संवार ।
सारिकुय सार छुख चु जानानय ॥
रोटमय मे चोनुय दामानय ॥० ॥

आशावान छुस भवसर मे तारख,
मोह नेन्द्रे वज मे वुज़नावख ।
परमु दामुच वथ चु हावानय ॥
रोटमय मे चोनुय दामानय ॥० ॥

अन्धकारस मंज छुख ज्ञान दीपक,
 भखुत्यन अजि गटि मंज वथ हावख ।
 पादि कमलन तल छुय प्रारानय ॥
 रोटमय मे चोनुय दामानय ॥० ॥

बँअर-बँअर छिय त्रे ज्ञानु खज्जान,
 विष्णार्पिन दितम ज्ञानुक दान ।
 हलम दोरिथ छिय भिक्षा मंगानय ॥
 रोटमय मे चोनुय दामानय ॥० ॥

खत्ता यिम छिम माफ करतम्,
 भख्ती नावि म्याजि नम रटतम ।
 भख्ती हुंद दितम वरदानय ॥
 रोटमय मे चोनुय दामानय ॥० ॥

नाम सुमन मे गछ्यम रोजुज,
 चोनुय सायि गोछ मे पोशुन ।
 दूरेर चोन छुस नु जालानय ॥
 रोटमय मे चोनुय दामानय ॥० ॥

ज्ञान प्रकाश भजन किताब बनावुथ अनमोल,
 ग्वरु देवा द्युतमुत छुथ ज्ञानस ज़ोल ।
 'द्वारिका' ति तिमनुय छुय ग्यवानय ॥
 रोटमय मे चोनुय दामानय ॥० ॥



ग्वरु देव लगयो चान्यन चर्णन

ग्वरु देव लगयो चान्यन चर्णन ।
मन म्योन अनतन रजि गंडतन ॥

मनस म्यॉनिस लोगमुत जंग,
विषय चूरव कौरमुत तंग ।
चानि चरण धूलि सुत्य सुरनावहन ॥
मन म्योन अनतन रजि गंडतन ॥० ॥

येलि छुस बेहान मंज ध्यानस,
मन फेरान छुम कुल जहानस ।
संकल्फ विकल्प छिम डालन ॥
मन म्योन अनतन रजि गंडतन ॥० ॥

नाव म्यॉनी छयना च़ेय मटे,
फिरनावतम सत् संग वते ।
नम रठ म्यॉन्यन मनक्यन पुरज़न ॥
मन म्योन अनतन रजि गंडतन ॥० ॥

येलि येलि नाव लगि म्यॉन्य शाठस,
दयायि चानि सुत्य वाति घाठस ।
मोह अंदकार म्योन छुख गालन ॥
मन म्योन अनतन रजि गंडतन ॥० ॥

राग द्वेष मनस छुम भ्रमरावन,
 काम, क्रूध, मूह, लूभ वति डालन ।
 काम, क्रूध, मूह, लूभ म्योन हरतन ॥
 मन म्योन अनतन रजि गंडतन ॥० ॥

मन गुर फेरान छुम तरफातन,
 कैह उपाय कर सुय शुम्रावतन ।
 अती छु यती आसन अती लुकभवन ॥
 मन म्योन अनतन रजि गंडतन ॥० ॥

ग्वरु दीव वनतम त्युथ कांह छल,
 युथ मन म्योनुय गछि निष्कल ।
 मन मनकल म्योन्य फुकनावतन ॥
 मन म्योन अनतन रजि गंडतन ॥० ॥

निर्मल बनावुन म्योन मन मन्दिर,
 तथ अन्दर थावहन श्याम सौन्दर ।
 अँन्ध अँन्ध करहस बु प्रदिक्ष्यन् ॥
 मन म्योन अनतन रजि गंडतन ॥० ॥

ग्वरु देव लगयो पॉय पॉरी,
 'द्वारिका' छुय करान वीलुजॉरी ।
 मन म्योनुय कोबू करतन ॥
 मन म्योन अनतन रजि गंडतन ॥० ॥



ग्वर देवा छम चॉनी आस

ग्वर देवा छम चॉनी आस, च़र्णन चाज्यन तल बुय आस।
ॐ कारस मंज़ मे बास, च़र्णन चाज्यन तल बुय आस॥

अशिवानि चॉनी पाद छलय, तनि चाने बुय अँत्तर मलय।
ज्ञान अमरैथ चानि योर आस, च़र्णन चाज्यन तल बुय आस॥

ज्ञानुच गंगा छि येति जॉरी, ग्वर देव वज दितु म्यति वॉरी।
अकि दाम सुती च़लिह्यम प्यास, च़र्णन चाज्यन तल बुय आस॥

अँन्दरी मे वज्ञान छुम सोज़, ग्वर देवा मे सुत्य सुत्य रोज़।
चानि बगॉर बुय कति गछु पास, च़र्णन चाज्यन तल बुय आस॥

मनच्यन तारन यनु लँज ज़ीर, लूख दपान छिम छुख फक्कीर।
ग्वर देव चुय छुख म्योनुय व्यास, च़र्णन चाज्यन तल बुय आस॥

खता यिम छिम माफ़ करुम, भक्ति नावि म्याजि नम रटुम्।
गोण चॉन्य ग्यवान च़ेय निश आस, च़र्णन चाज्यन तल बुय आस॥

ग्वर देवा मतु चुय रोशतम, हर सातु मे प्यठ खोश रोज़तम।
चान्यन वतन जरय अँतलास, च़र्णन चाज्यन तल बुय आस॥

ग्वरस अथि छय शिष्य संज रास, ग्वर छु शिष्य सुन्दुई विश्वास ।
ग्वर गछि मानुन खासो-खास, चर्णन चान्यन तल ब्रय आस ॥

ग्वर देवा अज चोनुय दोह, पादन चान्यन मीठ्य दिमु बो ।
'द्वारिका' गिन्दहे चै सुत्य रास, चर्णन चान्यन तल ब्रय आस ॥



जीव आत्मा छुय प्रानि खोतु प्रोन

जीव आत्मा छुय प्रानि खोतु प्रोन ।

ही दयि यि छुना अंश चोन ॥

प्रालब्ध कर्मव प्रोवुन शरीर, मायायि कौरमुत छुय येति गीर ।
दय नावय येति मॅशरोवोन, ही दयि यि छुना अंश चोन ॥

पाँचन त्वतन हुद यि शरीर छुय, जल, अग्नि, वायु, आकश, पृथ्वी ।
आत्मा अथ मंज छुय प्रजलवोन, ही दयि यि छुना अंश चोन ॥

न छु यि ज्यवन, न छु यि मरन, न छु यि छ्यनन, न छु यि दजन ।
न छु पॉनिस मंज यिरु गछुवोन, ही दयि यि छुना अंश चोन ॥

नय छुस रूप तु नय छुस रंग, सृष्टी बनाँवन रंगा रंग ।
रंगु गोर छु पानय परमात्मा सोन, ही दयि यि छुना अंश चोन ॥

अंतर मुखी बँनिथ दितु तस वोन, ध्यान धारनायि सुत्य नेरी नोन।
मन अन्दरी छुय यि भास गछुवोन, ही दयि यि छुना अंश चोन॥

चुय छुख म्योन तय बुय छुस चोन, चोन म्योन सम्बंध छु स्यठा प्रोन।
ही दय सम्बालतो म्योन कर्मलोन, ही दयि यि छुना अंश चोन॥

‘द्वारिका’ त्रैय निश छ्यन गोमुत, ‘म्योन म्योन’ करनन छुय फ़सोवमुत।
ही दय वनतम क्या छु येति म्योन, ही दयि यि छुना अंश चोन॥



क्षण क्षण ॐ स्वर

क्षण क्षण ॐ स्वर,	ॐ वुनय ध्यान कर।
ॐ ॐ ॐ स्वर,	ॐ वुनय ध्यान कर॥
ॐ छुय आत्मा,	ॐ छुय परमात्मा।
ॐ स्वरान योगेश्वर,	ॐ वुनय ध्यान कर॥
ॐ छुय ब्रह्मा,	ॐ छुय विष्णु।
ॐ छु शिव शंकर,	ॐ वुनय ध्यान कर॥
ॐ छुय वेदन हुंद सार,	ॐ छु सौरुय संसार।
ॐ छुय चराचर,	ॐ वुनय ध्यान कर॥
ॐ छय पृथ्वी,	ॐ छुय आकाश।
ॐ छु सास भास्कर,	ॐ वुनय ध्यान कर॥

ॐ सुय छि शक्ति, भरपूर बनी भक्ति ।
 चली च़ेय यमु थर, ॐ कुय ध्यान कर ।।
 ॐ चुय ज़ानुन, ॐ चुय मानुन ।
 च़ोर पाद त़ेय अक्षर, ॐ कुय ध्यान कर ।।
 ॐ सुय बर चु लोल, भवसार तारन वोल ।
 ॐ छु ब्रह्म अक्षर, ॐ कुय ध्यान कर ।।
 ॐ सुय सनतो, मन वाजि खान्तो ।
 करी च़ेय मुनवर, ॐ कुय ध्यान कर ।।
 प्राण अपान ॐ स्वर, यलु गछी ज़ानुक बर ।
 नँजदीक छुय बुजर, ॐ कुय ध्यान कर ।।
 पानो प्यतु पायस, रोज़ ॐ किस सायस ।
 ॐ छु परा पर, ॐ कुय ध्यान कर ।।
 ॐकार बिन्दु सान, योगीश्वर न्यथ स्वरान ।
 प्रावान तिम छि वर, ॐ कुय ध्यान कर ।।
 त्राव येति सोरुय, ॐ सुय रोज़ लोरुय ।
 च़ली कर्म खोचर, ॐ कुय ध्यान कर ।।
 करतो पर उपकार, परिलूकु यियी बकार ।
 यम दूतन वोथि थर, ॐ कुय ध्यान कर ।।
 राग द्वेष कर दूर, ॐ सुय कर गूर गूर ।
 काम क्रूध पेयि पथर, ॐ कुय ध्यान कर ।।
 संसार छु नाशवान, रोज़तो ॐ स्वरान ।
 ॐचय माल कर, ॐ कुय ध्यान कर ।।

अन्तर मुखी बन, 'ब्रह्म-नादस' दिज़ि कन ।
 श्वास अश्वास ॐ पर, ॐ कुय ध्यान कर ॥
 प्रणव चु अँन्दरी गार, मनस यियी वरार ।
 मन तु प्राण लय कर, ॐ कुय ध्यान कर ॥
 संसार छुय नाशवान, ॐकुय बनाव मकान ।
 अँची बनावुस हिर, ॐ कुय ध्यान कर ॥
 दक्ष्यन, वोत्तर, पछिम, पूरि, ॐ कुय छुय ज़हूर ।
 ॐ रुस्त नु अख ज़र, ॐ कुय ध्यान कर ॥
 शंख बजाव ॐ शब्द सुत्य, दूर चलन भूत प्रीत ।
 जादू टोना गछि बे असर, ॐ कुय ध्यान कर ॥
 गवर देव छुम अनमोल, ज्ञानस दिवान ज़ोल ।
 सू ति छु ॐ कुय बजर, ॐ कय ध्यान कर ॥
 'द्वारिका' मुन्नर ज़बान, ॐ कुय बजर कर बख़ान ।
 भान सॉब छुय रेहबर, ॐकुय ध्यान कर ॥



दाता दया निधान

दाता दया निधान,
भला करो भगवान,

सब का भला करो ।
सब का भला करो ॥

तू दुनिया का प्रीतम प्यारा,
सकल गुणों की खान,

सब से ऊँचा सब से न्यारा ।
सब का भला करो ॥

तू सब का है पालनहारा,
तू है सब से महान्,

सब को मिलता तेरा सहारा ।
सब का भला करो ॥

भर दो जोली सब की दाता,
सब को दो वरदान,

तू ही पिता और तू ही माता ।
सब का भला करो ॥

किस ने जानी तेरी माया,
ऋषि मुनि हैरान,

किस ने भेद तुम्हारा पाया ।
सब का भला करो ॥

भक्त आया तेरे दर पर, भर दो जोली सब की ईश्वर ।
भक्ति दे दो उसको दान, सब का भला करो ॥



ह्योतुम ॐकार वज छारुन

ह्योतुम ॐकार वज छारुन ।

लँजिम ज़ीर लोलुच्यन तारन ॥

कँरम मे वाँस ज़ायि अज़ताम, विषय भोग भूय मे अज़ताम ।
जवाँनी रॉव गिन्दान हारन, लँजिम ज़ीर लोलुच्यन तारन ॥

जन्म कँत्या मे हियत्य अज़ताम, मे ज़ांह नो सोर दयि सुंद नाम ।
बुजर यिथ फेरान छुस ग्वर दारन, लँजिम ज़ीर लोलुच्यन तारन ॥

ग्वरन वोननम अँन्दरी छारुन, ध्यान धारनायि ॐ छु गारुन ।
वुछिम तति त्रैनवय कारन, लँजिम ज़ीर लोलुच्यन तारन ॥

अकार, उकार, मकार छुय, चोर पाद ॐकार प्रजनाव चुय ।
विज्ञान रूपय छु सुय ज़ानुन, लँजिम ज़ीर लोलुच्यन तारन ॥

ॐ रूपय यि सोरुय संसार, त्रिगुण मायायि हुंद व्यस्तार ।
फसॉव्य अँस्य मायायि ज़ालन, लँजिम ज़ीर लोलुच्यन तारन ॥

राग द्वेष चु कर ग्वडु त्याग, मनस बँडराव ॐवुह्य राग ।
वसान छय वाँस चु कस प्रारन, लँजिम ज़ीर लोलुच्यन तारन ॥

‘द्वारिका’ चुय शरण रोज़ तस, चु त्राव सोरुय विषय रस ।
करुस ज़ॉरी सु छुय तारन, लँजिम ज़ीर लोलुच्यन तारन ॥

ब्रह्माण्ड सोरुय ॐ रूप छुय

ब्रह्माण्ड सोरुय ॐ रूप छुय।

ॐ ॐ पानो स्वरतो चुय।।

ग्वडज शरण गछ श्री गणेशस, पतु रठ पाद चुय ग्वर दीवस।
मिलनावी दयस सुत्य सुय, ॐ ॐ पानो स्वरतो चुय।।

ब्रह्माण्ड ज्ञानुन छुय ॐकार, ब्रह्मय मानुन अम्युक आधार।
'ब्रह्म' मंज सोरुय द्रामुत छुय, ॐ ॐ पानो स्वरतो चुय।।

मआरमोन्द बासान छुय संसार, त्रिगुण मायायि हुंद कारबार।
त्रे कारण अथ चलावान छी, ॐ ॐ पानो स्वरतो चुय।।

कलु थाव हर दम दय नावस, परम ब्रह्म वथ हावि मूक्षि दामुच।
पाफ शापन दियि मॉफी सुय, ॐ ॐ पानो स्वरतो चुय।।

अंताःकरण ग्वड कर साफ, शम, दम, यम नियम मंत्र जप।
आहार, व्यवहार, शोद थाव चुय, ॐ ॐ पानो स्वरतो चुय।।

चु तु बु पानो मॅश्राव तो, मनकुय दुय ग्वड दूर करतो।
निष्काम कर्मव दूर गछि दुय, ॐ ॐ पानो स्वरतो चुय।।

शरण गछ 'द्वारिका' त्राव ग्वड कूध, कूध करुन छुय बे सूद।
कूध करुन खून जालुन छुय, ॐ ॐ पानो स्वरतो चुय।।

भक्ति भाव स्वर ॐ ॐ ॐ

भक्ति भाव स्वर ॐ ॐ ॐ, सार ज्ञानुन शिवोऽहं ।
शिव रठ त्रावतो अहं, सार ज्ञानुन शिवोऽहं ॥

शिव शिवय रोज़ स्वरान, शिव सुंदुय धर ध्यान ।
क्या करी काल तय यम, सार ज्ञानुन शिवोऽहं ॥

लिङ्ग रूप ब्रह्माण्ड ज्ञान, अथ मंज बँसिथ कुल जहान ।
शिव छुय पूर्ण ब्रह्म, सार ज्ञानुन शिवोऽहं ॥

प्राव वैराग ह्यथ शम, दम, गाल काम कूध बेयि अहं ।
शिव नावस पथुय चम, सार ज्ञानुन शिवोऽहं ॥

अछ अन्दर दितु दम, अँन्दरी स्वर शिवोऽहं ।
अँन्दरी वजी ज़ीर ब्रम, सार ज्ञानुन शिवोऽहं ॥

कनवुय बोज़ कनवान्, शिवोऽहं सोज़ तति वज्ञान ।
दूर गछी सोरुय गम, सार ज्ञानुन शिवोऽहं ॥

संसार छुय नाशवान, लय कर मन तय प्रान ।
युन तु गछुन छुय भ्रम, सार ज्ञानुन शिवोऽहं ॥

‘द्वारिका’ शिवस शरणुय, शिव शिवय स्वरनुय ।
छुस गनीमथ योहय दम, सार ज्ञानुन शिवोऽहं ॥

याम सौर मे ॐ ॐ, दूर गव मे मूह भ्रम

याम सौर मे ॐ ॐ, दूर गव मे मूह भ्रम ।

बास्योम च्वापॉर्य शिवोऽहं शिवोऽहं ॥

ग्वर शब्द सुती अज्ञान गोम दूर,

ज्ञान प्रकाशय फोल अँन्दरी मे नूर ।

ग्वरसुय शरण गोस तति कोर मे सर खम ॥

बास्योम च्वापॉर्य शिवोऽहं शिवोऽहं ॥० ॥

अभ्यासु ज़ेरि ज़ेरि मंत्र व्यचोरुम,

शवास उश्वासय सूक्ष्म बनोवुम ।

मन प्राण लय गोम आनन्द प्रोवुम ॥

बास्योम च्वापॉर्य शिवोऽहं शिवोऽहं ॥० ॥

विराट रूपय भगवान ज़ोनुम,

संसार सोरुय ॐकार मोनुम ।

ज़र ज़रसुय मंज़ बास्योम परमु ब्रह्म ॥

बास्योम च्वापॉर्य शिवोऽहं शिवोऽहं ॥० ॥

न्यबरय अँन्दर चास अँन्दरी मे छोरुम,

अँन्दरी वज़ुनि लोग साज़ो ज़ीर बम ।

आदि अंत रुस्तुय नादा मे बूजुम ॥

बास्योम च्वापॉर्य शिवोऽहं शिवोऽहं ॥० ॥

ब्रह्माण्डस मंज प्राण याम खोरुम,

कुम्भक ज़ोर सुत्य सुय वुज़नोवुम ।

संसार मँशित गोम देह भाव रोवुम ॥

बास्योम च्वापॉर्य शिवोऽहं शिवोऽहं ॥० ॥

मँशरिथ संसार ध्याना मे दोरुम,

अनाद शब्दा कन बोज़नोवुम ।

ॐ ॐ स्वरान गोस आनन्द प्रोवुम ॥

बास्योम च्वापॉर्य शिवोऽहं शिवोऽहं ॥० ॥

‘द्वारिका’ मस्त गव अँन्दरी सरूदस,

अँन्दरी वँन्य दिवान तस नाबूदस ।

प्रत्यक्ष यियहेम दर्शुन मे दियहेम ॥

बास्योम च्वापॉर्य शिवोऽहं शिवोऽहं ॥० ॥



ॐकुय शब्दा याम कनन गोम

ॐकुय शब्दा याम कनन गोम ।

ॐ हरि ॐ हरि ॐ हरि ॐ ॥

ग्वडु ग्वर दीवस शरण बु गोस,

चर्णन तल तस परन प्योस ।

ग्वरु शब्दय तति मे रचयोम ॥

ॐ हरि ॐ हरि ॐ हरि ॐ ॥० ॥

ग्वरु शब्दस कोरुम अभ्यास,

शम दम यम नियम तय उपवास ।

मनसुय अँन्दरी सुय मे गन्योम ॥

ॐ हरि ॐ हरि ॐ हरि ॐ ॥० ॥

प्राणायमच दिचनम ज्ञान,

पूर्क कुम्भक रेचक सान ।

प्राणायाम सुत्य मन मे शम्योम ॥

ॐ हरि ॐ हरि ॐ हरि ॐ ॥० ॥

प्राण अपानस ॐ स्वरयाम,

सोऽहं सोऽहं शब्द तति द्राम ।

अजपा मंत्र जप सुय मे बन्योम ॥

ॐ हरि ॐ हरि ॐ हरि ॐ ॥० ॥

श्वास उश्वास सोऽहं सुरुम,

सोऽहं स्वरान गोस अहं चुलुम ।

अनाद शब्दय तति प्रकट गोम ॥

ॐ हरि ॐ हरि ॐ हरि ॐ ॥० ॥

अनाद शब्दस कन मे दितुम,

भ्रकुटी मंज द्रायि ज्यूत्य जम जम ।

सहत्र दल पम्पोश फोल यकदम ॥

ॐ हरि ॐ हरि ॐ हरि ॐ ॥० ॥

‘द्वारिका’ ह्यस कर सगनाव बाग,

कल यिनु कडनय संसार राग ।

विषयन कॅरजि पूर लाकम ॥

ॐ हरि ॐ हरि ॐ हरि ॐ ॥० ॥

प्राणच स्वरनय वज्ञान शब-रोज़

प्राणच स्वरनय वज्ञान शबरोज़ ।

कन दितु बोज़ सोऽहं सोज़ ॥

श्वास उश्वास सोऽहं स्वर, सुत्य सुत्य दयसय व्यनती कर ।
ग्वर शब्दुक वायुस सोज़, कन दितु बोज़ सोऽहं सोज़ ॥

ग्वर शब्दस कर अभ्यास, आसन दौरिथ रोज़ हसास ।
ध्यान धारनाय लगातार रोज़, कन दितु बोज़ सोऽहं सोज़ ॥

विषय भोग छनतो त्रौविथ, शम, दम, यम, नियम दौरिथ ।
सातविक आहार ख्योन हर रोज़, कन दितु बोज़ सोऽहं सोज़ ॥

पर उपकारुक थावुन छु भाव, हाजथ मंदन हुंज़ यिनु थावक गाव ।
सन्तन हुंज़ कर सेवा रोज़, कन दितु बोज़ सोऽहं सोज़ ॥

काम क्रूधस छय लथ लयिज, राग द्वेष सोरुय मॅशरावुन ।
संतन हुंद ग्यान छुय गुल्यकोज़, कन दितु बोज़ सोऽहं सोज़ ॥

सत् संगस सुत्य थावन्य कल, क्वसंग निशो दूरय चल ।
मांस ख्योन त्याग कर म्योनय बोज़, कन दितु बोज़ सोऽहं सोज़ ॥

‘द्वारिका’ त्रावतो चुति अभिमान, सत्संगस लार प्रावख मान ।
ग्वर देवस निश शरणय रोज़य, कन दितु बोज़ सोऽहं सोज़ ॥

दयो थावतम पनुज सुम्रन

दयो थावतम पनुज सुम्रन।

येमि विजि प्राण मे नेरन॥

तमि सातय यितम् जल जल, करतम् मुष्किलन मे हल॥
शान्त थावज्यन यि म्योनय मन, येमि विजि प्राण मे नेरन्॥

तमि सातय यियम ना कांह, दय नावय मे बोजनावि ना।
रोजस बुय हा दोरिथ कन, येमि विजि प्राण मे नेरन॥

संकल्प तय विकल्प सॉरी, मॅशरॉवज्यम ही मुरॉरी।
ह्यस होशी मे मा व्यसुरन, येमि विजि प्राण मे नेरन॥

तमि सातय गोछुम नु फेरून, राम रामय गोछुस बोलुन।
नतु रोजिय मे चंचल मन, येमि विजि प्राण मे नेरन॥

करतम मे जन्म स्वफल, चठ म्याँज ज्यनु मरनु हाँकल।
प्रत्यक्ष बासतम मे नारायण, येमि विजि प्राण मे नेरन॥

जन्म दोर्य दोर्य तंग बुय आस, मे भँखुत्य हुंद करतम पारस।
चठ तु सॉरी मे येतिक बन्धन, येमि विजि प्राण मे नेरन॥

दयो छम मे चॉन्य आशी, गटि मंज मे अनतम गाशी ।
क्षण क्षण मे थावुम सुमन, येमि विजि प्राण मे नेरन ।।

येलि यिन मे तोरु नादस, आसय बुय स्वागतस ।
दॉरिथ आसय बु शव आसन, येमि विजि प्राण मे नेरन ।।

गम नो छुम दिहयुक मे केंह, प्राणुय चै सम्बॉल्यज्यम मे ।
चित फुरनाय अदु गछि छ्यन, येमि विजि प्राण मे नेरन ।।

कालुन भय मे कास्तम, दयो दयगथ पनुन्य मे हावतम ।
यम दूत यिनु मे खोचनावन, येमि विजि प्राण मे नेरन ।।

ही भगवान कृष्ण चोनुय, गोकल छुय हृदय म्योनुय ।
सहायतस रोज्ज्यम क्षण क्षण, येमि विजि प्राण मे नेरन ।।

ब्रह्माण्डस मंज खॉरज्य मे प्राण, रोजुन गोछ मे चोनुय ध्यान ।
देंहमि दारय मे केंड ज्यम प्राण, येमि विजि प्राण मे नेरन ।।

‘द्वारिका’ छुय करान जॉरी, लेन देन येतिक चटुम सॉरी ।
तति छुस द्युन हिसाब कर्मन, येमि विजि प्राण मे नेरन ।।



गछ शरण गीताये

गछ शरण गीताये, गीता पॅरिव लोलु माये ।
गीता बूझिव लोलु माये, गीता पॅरिव लोलु माये ॥

कामधीन छय यि गीता, पार्थ वो छ बन्योस ना ।
असि उधार करनि आये, गीता पॅरिव लोलु माये ॥

पार्थन चोव अम्युक दाम, चावान ओसुस पानु गणश्याम ।
तॅम्य चोव बजि श्रद्धाये, गीता पॅरिव लोलु माये ॥

गीता जी छय अनमोल, व्यास जी छुस लेखनवोल ।
श्री कृष्णुन्य मोखु द्राये, गीता पॅरिव लोलु माये ॥

अति छु ज्ञानु योग, कर्म योग, त्रावुन्य छि विषय भोग ।
भक्ति योग छु बोड उपाये, गीता पॅरिव लोलु माये ॥

निष्काम कर्म छुय करुन, पनुनिस धर्मस प्यठ दरुन ।
भवसर तरनुक उपाये, गीता पॅरिव लोलु माये ॥

तप जप ति छुय करनुय, दय सुंद ध्यान धरनुय ।
ज्ञान बुद्धि सु प्रावे, गीता पॅरिव लोलु माये ॥

सत्रू गुणा बुद्धि छि प्रावुज, इन्द्रय छि शौम्रावुज ।
श्वद अन्न छुस उपाये, गीता पॅरिव लोलु माये ॥

राग द्वेष छुय त्रावुन, काम क्रोध लोभ गालुन ।
यिय वनान छि हर अध्याये, गीता पॅरिव लोलु माये ॥

शरणागत छुय बनून, गीतायि ज्ञानस् सनुन ।
गली लोभ मोहच छाये, गीता पॅरिव लोलु माये ॥

मन छु शोम्रावुन, अहंकार गाछि त्रावुन ।
शम, दम, यम, नियम धारे, गीता पॅरिव लोलु माये ॥

गीता जी पॅरिव बार बार, अति छु ज्ञानुक भण्डार ।
सत् संगन मंज जायि जाये, गीता पॅरिव लोलु माये ॥

मनुष्य जन्म छु मुष्किल, गीता जी छि तरनुक कॅदल ।
भवसर तारनुक्य अति कॅम उपाये, गीता पॅरिव लोलु माये ॥

गीता जी छि अरदाह अध्याय, हृदयस मंज करहोस जाय ।
अँजरावि कर्म न्याये, गीता पॅरिव लोलु माये ॥

ओश छुम वसान दारे, श्री वृष्ण मायि चाने ।
असि थाव पनुन साये, गीता पॅरिव लोलु माये ॥

युस करि गीता प्रचार, बोजनावि गीतायि सार ।
ज्ञान यँज्ञ फल सु प्रावे, गीता पॅरिव लोलु माये ॥

‘द्वारिका’ मो कर चेर, गीता परनि जल जल नेर ।
ग्वर देव परनावे, गीता पॅरिव लोलु माये ॥



गायत्री अस्तोती

ॐ भू भवः स्वः तत्सवितुर वरेण्यं
भर्गो देवस्य धीमहि धियो यो नः प्रचोदयात् ।।

ॐ भू भवः स्वः स्वर बार-बार ।

गायत्री मातायि कर नमस्कार ।।

गायत्री छि प्रकृति पुरुष ओंकार,

यिहुंदि संयोग सुत्य बन्योव संसार ।

सूर्य देव ज्ञानुन जगत आधार ।।

गायत्री मातायि कर नमस्कार ।।० ।।

च्वन वीदन हुंज छय यि जननी,

रेश्य, मुनी, देवता ग्वन ग्यवाँनी ।

सारिनुय वीदु शास्त्रन हुंज सार ।।

गायत्री मातायि कर नमस्कार ।।० ।।

भैरवतु पूजान छिस त्रेन वखतन,
 प्रातः मध्यन्यन बैयि शामन ।
 प्रथ कारस मंज दिवान छख तार ॥
 गायत्री मातायि कर नमस्कार ॥० ॥

पंचमुखी गायत्री हुंद कॅरिव ध्यान,
 त्रिनेत्र दारुवन्य क्याह छि शूभान ।
 रंगु रंगु दोरिथ छिस अथन हँथियार ॥
 गायत्री मातायि कर नमस्कार ॥० ॥

स्वन सुंद मुकटु माजि क्याह शूभान,
 लाल जवॉहिर तथ छिस चमकान ।
 अँन्द्य अँन्द्य गँडिथ छिस मोरुतु जालार ॥
 गायत्री मातायि कर नमस्कार ॥० ॥

प्रातः हंसस प्यठ ल्वकुट कूर,
 मध्यान गरुड वाहन जवान पूर ।
 सायं वृद्ध रूप वृषभस सवार ॥
 गायत्री मातायि कर नमस्कार ॥० ॥

कौत्याह स्वरूप छिय महा गायत्री,
 कुनि बनान सरस्वती कुनि लक्ष्मी ।
 कुनि छय निराकार नाद बिन्दु ओंकार ॥
 गायत्री मातायि कर नमस्कार ॥०॥

गायत्री मंत्र युस रोजि ज़पान,
 मन्द बुद्धि आसि बनि बुद्धिमान ।
 गायत्री हुंद महिमा छु अपरम्पार ॥
 गायत्री मातायि कर नमस्कार ॥०॥

गायत्री ज़प करान मन निर्मल,
 अन्तःकर्णन छलान छय मल ।
 शम, दम, यम नियम थव लगातार ॥
 गायत्री मातायि कर नमस्कार ॥०॥

प्राणायाम दिवान प्राणन बल,
 अन्ताः करणन करान निर्मल ।
 निर्मल बोद्ध दिवान शवद व्यचार ॥
 गायत्री मातायि कर नमस्कार ॥०॥

दीवन रेष्ठन तु बैयि पितृन,
 गायत्री हुंदि अनुग्रह वातान तर्पण ।
 गायत्री बगौर पूजायि नु अधिकार ॥
 गायत्री मातायि कर नमस्कार ॥० ॥

गायत्री माता म्योन गायन बोझ,
 छुम वज्ञान अँन्दरी लोलुक सोझ ।
 त्र्यज्ञगत सोरुय छु चोन दरबार ॥
 गायत्री मातायि कर नमस्कार ॥० ॥

द्योक, छोग, योनि, श्रानु पट तु आँटपन,
 युस करि धारन सुय छु ब्रह्मन ।
 ब्रह्मन जन्म छुय मुक्ती द्वार ॥
 गायत्री मातायि कर नमस्कार ॥० ॥

‘द्वारिका’ सुलि व्वथ न्यथ प्रभातन,
 श्रान संध्या कॅरिथ दार आसन ।
 गायत्री मंत्र छुय तारनहार ॥
 गायत्री मातायि कर नमस्कार ॥० ॥



रूप रुस्त छारय कोस छय शकलुय

रूप रँस्ति छारथ कोस छय शकलुय ।

रावान म्याँनी अकलुय छय ॥

अखण्ड ब्रह्माण्ड रूप छुय चोनुय,

आदि अन्त अमिकुय कँम्य ज़ोनुय ।

कुस हैकि कँरिथ बयान अमिचय शकलुय ॥

रावान म्याँनी अकलुय छय ॥० ॥

ब्रह्माण्डस मंज च़ुय छुख ओत प्रोत,

हर ज़ीवस मंज चॉनी जोत ।

पोशि बागस चॉनिस रंगु रंगु शकलुय ॥

रावान म्याँनी अकलुय छय ॥० ॥

सृष्टी कर्ता बनाँवथ सृष्टी,

पालना करान छुक सम द्रष्टी ।

हर काँसि बनाँवथ ब्योन ब्योन शकलुय ॥

रावान म्याँनी अकलुय छय ॥० ॥

रातस खँदय खँदय ज़ीव व्वपुदाँविथ,

काम दीवस अथि खेलुनाँविथ ।

कामन कँरमित सॉरी छोकलुय ॥

रावान म्याँनी अकलुय छय ॥० ॥

मनकिस ऑनस जंग येलि कासख,
 अंद तस वुछख साकार म्वख ।
 छ्योट अन्न खेय-खेय भ्रष्ट गॅयि अकलुय ॥
 रावान म्याँनी अकलुय छय ॥० ॥

कथ जायि छारथ कति छुय ठिकाने,
 क्याजि लोगुथ च़ेय बेगाने ।
 कथ जायि बिहिथ छुख खल वखतुय ॥
 रावान म्याँनी अकलुय छय ॥० ॥

हर जायि छौरमख शहर तु गामन,
 क्याजि लोगथस बुय लूक पामन ।
 वति वति वॅन्य दिवान वुछ चॉन्य शकलुय ॥
 रावान म्याँनी अकलुय छय ॥० ॥

पाद मै लूसिम मन्दरन फेरान,
 अँछव किन्य अँश्य कनि खून हारान ।
 तापु च़जि मंज़ मै नून प्योम छोकनुय ॥
 रावान म्याँनी अकलुय छय ॥० ॥

पय चोन बूजुम मंज़ सत् संगनय,
 वासनायि थान तति रंगु हा बुय ।
 सत् संग वानि सुत्य छलुहा अकलुय ॥
 रावान म्याँनी अकलुय छय ॥० ॥

ध्यान कॅर्य कॅर्य मै राव्यम रॉन्नय,
 मॅश्यरिथ सॉरी शुर्य बॉन्नय ।
 कमि विद्यायि यियि अथि चॉन्य शकलुय ॥
 रावान म्याँनी अकलुय छय ॥० ॥

जीव बन्द गोमुत मायायि ज़ालस,
किथु तार लग्यस यथ पंचालस ।
सत् कर्मव सुत्य येति सुय मोकलय ॥
रावान म्याँनी अकलय छय ॥० ॥

‘द्वारिका’ शरण छुय सत् ग्वरसुय,
साक्षातकार करनाव्यस सुय ।
अदु तस छ्यनि ज्यनु मरनु हाँकलय ॥
रावान म्याँनी अकलय छय ॥० ॥



सूर्य अस्तोती

भखृत्यो सुलि वोथ गछ होशियार,
सूर्य भगवानस कर नमस्कार ।
सूर्य नारायण छु जगत आधार ॥
सूर्य भगवानस कर नमस्कार ॥० ॥

सृष्टी हुंद छुय यि जीवन स्रोत,
हर जीवस मंज सूर्य संज जोत ।
सूर्य बगौर जीवन छु अन्धकार ॥
सूर्य भगवानस कर नमस्कार ॥० ॥

सूर्य भगवान छुय जगत आत्मा,
सारिनय जीवन हुंद प्राण दाता ।
दूर करान अज्ञान बेयि अन्धकार ॥
सूर्य भगवानस कर नमस्कार ॥० ॥

सूर्य भगवान छुय प्रत्यक्ष देवता,
 सूर्य देव ज्ञानुन छु परमात्मा ।
 चमकान क्या छुय यि मण्डलाकार ॥
 सूर्य भगवानस कर नमस्कार ॥०॥

परम ब्रह्म परमात्मा परिपूर्ण,
 अथ मंज बँसिथ त्रेनवय कारण ।
 पंच महा भूतन हुंद यि सरदार ॥
 सूर्य भगवानस कर नमस्कार ॥०॥

सूर्य देवस छुय काल आँदीन,
 कुनि आसन ताफ़ तय कुनि पैवान शीन ।
 एक चक्र रथ छुस क्या चमकदार ॥
 सूर्य भगवानस कर नमस्कार ॥०॥

सथ गुरय लम्मान सूर्य सुंदिस रथस,
 लाल पम्पोश शूबान छुस मंज अथस ।
 सूर्य देव हावान कम चमत्कार ॥
 सूर्य भगवानस कर नमस्कार ॥०॥

बाहन रेतन बाह नाव शूबुवन्य,
 नव गृह अँन्द्य अँन्द्य गथ करुवन्य ।
 त्रुवाहिम मार्तण्ड नाम शूबिदार ॥
 सूर्य भगवानस कर नमस्कार ॥०॥

मार्तण्डस मंज सूर्य सुंद स्थान,
 पित्रन तति वातान पिण्ड दान ।
 पित्रन हुंद छुय सु मुक्ति द्वार ॥
 सूर्य भगवानस कर नमस्कार ॥०॥

मार्तण्ड तीर्थस प्यठ युस करि श्रान,
जन्मन हुंज चलि तस कर्म हान ।
अन्त समयस प्रावि मुक्ति द्वार ॥
सूर्य भगवानस कर नमस्कार ॥० ॥

आदि दीव प्रभाकर, चै जय भवनय,
रूगन पापन करान छुख क्षय ।
अन्धकारस करान छुख लार ॥
सूर्य भगवानस कर नमस्कार ॥० ॥

‘द्वारिका’ सुम्बरान भावु पोश छुय,
न्यथ प्रभातन पूजि लागान छुय ।
दंडवथ करान छुय बारम्बार ॥
सूर्य भगवानस कर नमस्कार ॥० ॥



अज छय एकादशी

व्रत थावुन यिनु सा मशी, अज हा छय एकादशी ।
भगवान यिनु सा मशी, अज हा छय एकादशी ॥

कलि योगस अनस मंज वास, अज थावुन गछि उपवास ।
अनस अज छुय दूषी, अज हा छय एकादशी ॥

अज ख्योन गछि फलाहार, अपुज यिनु करख व्यवहार ।
भगवान नतु रोशी, अज हा छय एकादशी ॥

व्रत गव नु अन्न त्यागुन, व्रत गव विषय विकार गालुन ।
अज्ज यिनु क्रूध खसी, अज्ज हा छय एकादशी ।।

क्रूध, लूभ, मूह विकार, नरकुक् छि यिम त्रैय द्वार ।
यिम छि डालान ह्यस होशी, अज्ज हा छय एकादशी ।।

कौन्सि यिनु दिल दुखावख, द्वेष भाव यिनु थावख ।
कौन्सि हुंज यिनु रोजी रेंशी, अज्ज हा छय एकादशी ।।

नाव मे इन्सान प्योम, नफसस गोम गुदोम ।
नफसन् लोगुस वालवाशी, अज्ज हा छय एकादशी ।।

सोम ख्य सोम रोज़ख, ज़्यादु ख्यक रोगी बनख ।
पतु करुज छय फाकु कॅशी, अज्ज हा छय एकादशी ।।

योद यियी कांह सवॉली, यिनु कडहन सु खॉली ।
नतु पनुन्य सु पाप बखशी, अज्ज हा छय एकादशी ।।

‘द्वारिका’ मन चु सुरनाव, सत् संग वानि छलनाव ।
दान धर्म यिनु सा मॅशी, अज्ज हा छय एकादशी ।।



बाँगराव महोबत तु प्यार

बाँगराव महोबत तु प्यार ।

यलु गछी मुक्ति द्वार ॥

गरि ति गछि बाँगरुन प्यार, अदु फोलि चोन गर बार ।
गरु बासी ज़न स्वर्गद्वार, यलु गछी मुक्ति द्वार ॥

योद आसी कांह ति शथुर, प्रेम सुत्य बनि सु मेथुर ।
पानुवॉन्य बनि मिलचार, यलु गछी मुक्ति द्वार ॥

मु कर काँसि नफरत, बाँगराव प्यार तु शफकत ।
जान थाव आचार विचार, यलु गछी मुक्ति द्वार ॥

क्रोधस यिनु दिख जाय, प्यार छु तमिकुय उपाय ।
दयि सुंद ध्यानी दार, यलु गछी मुक्ति द्वार ॥

यिनु थावख काँसि सुत्य वैर, पनुन ऑस्तन या गैर ।
हर जीवस करुन छु प्यार, यलु गछी मुक्ति द्वार ॥

योद करख चु बदकार, ज़्योन मरुन छुय लगातार ।
पानस कर तु उधार, यलु गछी मुक्ति द्वार ॥

बेलूस बाँगराव प्यार, प्यार छुय अमृत धार ।
 प्यार छुय मनकुय करार, यलु गछी मुक्ति द्वार ॥

‘द्वारिका’ बाँगराव लोल, लोल छुय स्यठा अनमोल ।
 सारिनय धर्मन हुंद सार, यलु गछी मुक्ति द्वार ॥



मन श्रोचि तस यस श्रूच आसि ख्यन

मन श्रोचि तस यस श्रूच आसि ख्यन ।

दर्शुन हावि तेलि नारायण, नारायण, नारायण, नारायण ॥

भखत्यो वारु बोझ श्रूच ख्य अन्न,

अन्न सुती छुय मन बनन ।

क्षण क्षण युस करि दयि सुम्रन ॥

दर्शुन हावि तेलि नारायण, नारायण, नारायण, नारायण ॥० ॥

अन्न बनान छुय त्रैयि किस्मय,

सतूगुण, रजोगुण, तमोगुणय ।

सात्त्विक थाव सा पनुन ख्यन च्यन ॥

दर्शुन हावि तेलि नारायण, नारायण, नारायण, नारायण ॥० ॥

सतूगुणी लबान छु दयि सुंज वथ,

रजोगुणी छारान मालो दवलथ ।

तमोगुणी फेरान छुय नरकन ॥

दर्शुन हावि तेलि नारायण, नारायण, नारायण, नारायण ॥० ॥

अवल च बँडराव सतूगुणी भाव,
दोयिम च म्येन बोज़ मांस ख्योन त्राव ।
मास ख्यनु सुत्य छय हिंसा खसन ॥

दर्शुन हावि तैलि नारायण, नारायण, नारायण, नारायण ॥०॥
अन्न मय कोश बनाव निर्मल,
मनमय कोश प्रावि सतूगुणी बल ।
दयि सुम्रन कुन लाग प्राणन ॥

दर्शुन हावि तैलि नारायण, नारायण, नारायण, नारायण ॥०॥
मनस तु प्राणन येलि गछि म्युल,
ज्ञान मय कोशुक बेलि बुलबुल ।
आनन्द मय कोशस वुज़ि अमृत ज़न ॥

दर्शुन हावि तैलि नारायण, नारायण, नारायण, नारायण ॥०॥
पाँचन कोशन येलि गछि शुद्धी,
पानय बनान छि सतूगुणी बुद्धि ।
निर्मल गछान छि अन्तःकरण ॥

दर्शुन हावि तैलि नारायण, नारायण, नारायण, नारायण ॥०॥
दयि सुम्रजि येलि रोज़ख बाहोश,
सहस्रारस मंज़ फोलि पम्पोश ।
अनाद शब्दय तति गछि नोन ॥

दर्शुन हावि तैलि नारायण, नारायण, नारायण, नारायण ॥०॥
भख्रुत्यो सुम्रन थाव लगातार,
ग्वर शब्दय करख साक्षातकार ।
ग्वर उपदेश बनख च़ुति सतज़न ॥

दर्शुन हावि तैलि नारायण, नारायण, नारायण, नारायण ॥०॥

‘द्वारिका’ करतो न्यथ सत्संग,

सत् संग रंगनावी ज्ञानुक रंग।

तोर मुचरावी ज्ञानु बरन्यज॥

दर्शुन हावि तेलि नारायण, नारायण, नारायण, नारायण॥०॥



ॐ नमः शिवय ज़पु श्रद्धाये

ॐ नमः शिवाय ज़पु श्रद्धाये,

शिव नाथ दर्शुन कोनु हावे।

ॐ नमः शिवाये, ॐ नमः शिवाये॥

शिव नाथ दर्शुन कोनु हावे॥०॥

शक्ति सुत्य छय अँमिस सूर मँतसुय,

पालना करान छुय प्रथ अँक्सुय।

सुमन युस कर्यस लोलु तु माये॥

शिव नाथ दर्शुन कोनु हावे॥०॥

श्रान संध्या कॅरिथ सुलि प्रभातस,

भावु पोश लागतो शिव नाथस।

मह्निना स्तोत्र परतु श्रद्धाये॥

शिव नाथ दर्शुन कोनु हावे॥०॥

सर्वव्यापक छुय सु अजर अमर,
संकट कासुवुन शिव शंकर ।
ध्याना धारतो मंज धारनाये ॥
शिव नाथ दर्शुन कोनु हावे ॥० ॥

भस्मा मॅलिथ छुय सु जटाधोरी,
जटनय मंज छस गंगा जौरी ।
प्रेमसान युस तस पूज करे ॥
शिव नाथ दर्शुन कोनु हावे ॥० ॥

करपूर गौरम कर्ण अवतोर्य,
न्यथु नोन निगुर्ण निराकौर्य ।
हर जीवस मंज छु हृदयिच जाये ॥
शिव नाथ दर्शुन कोनु हावे ॥० ॥

क्षण क्षण युस परि ॐ नमः शिवाये,
तस ना पोरी कांह बलाये ।
अंत समयस प्यठ मुक्ति सु प्रावे ॥
शिव नाथ दर्शुन कोनु हावे ॥० ॥

‘द्वारिका’ फेरान छुय शिवालन,
भक्ति भावनायि छुय दीप जालन ।
ब्यल पत्र दतुर पोश लागन पूजाये ॥
शिव नाथ दर्शुन कोनु हावे ॥० ॥



युस करान दूर सान्यन कष्टन

युस करान दूर सान्यन कष्टन,
तस महा देवस गछतो शरण ।
सुय महा देव सौन्य पाप छुय हरन ॥
तस महा देवस गछतो शरण ॥० ॥

सारिनय देवन हुंद छु सरदार,
जगतुक चलावान सुय कारबार ।
जरु जरसुय मंज युस छु आसन ॥
तस महा देवस गछतो शरण ॥० ॥

ब्रह्माण्ड सोरुय लिङ्ग रूप छुय,
अथ मंज बैसिथ छि सौर्य सृष्टी ।
त्रि कारण अति राज छिय करन ॥
तस महा देवस गछतो शरण ॥० ॥

ब्रह्मा रूप छुय वोपदावान,
विष्णु रूप जगतस पालान ।
शिव रूप सौरसुय नाश करन ॥
तस महा देवस गछतो शरण ॥० ॥

शिव नाथस नाव छुय मृत्यन्जय,
दूर करान भखुत्यन कालुन भय ।
मनकुय सन्ताप छुय सु हरन ॥
तस महा देवस गछतो शरण ॥० ॥

जगतस फेरान बृषभस सवार,
 नॉल्य छुस योनि कनि नागेन्द्रहार ।
 भस्मा मॅलिथ छस ज़ोतान तन ॥
 तस महा देवस गछतो शरण ॥० ॥

जटि छस गंगा डैकि चन्द्रं,
 अथस त्रिशूल ह्यथ बोलान भम भम ।
 नंगुमोत फेरान छु तरफ़ातन ॥
 तस महा देवस गछतो शरण ॥० ॥

‘द्वारिका’ थोकमुत छुय प्रऑर-प्रऑर,
 पापु बोर अटुबारि सऑर-सऑर ।
 पापन तु शापन करतस छ्यन् ॥
 तस महा देवस गछतो शरण ॥० ॥



बम बम बोलान छु

बम बम बोलान छु ।
 शिव शंकर शुम्भो ॥
 पार्वती सुत्य शुम्भो, आसान कैलास कोह ।
 डाबर वायान छु, शिव शंकर शुम्भो ॥
 दरतो तसुंद ध्यान, अर्पण करुस मन प्राण ।
 त्रे नेत्र दारवुन सु, शिव शंकर शुम्भो ॥

वृषभस प्यठ छु सवार, नॉल्य छुस नागेन्द्रहार ।
भस्मा मॅलिथ तनि छु, शिव शंकर शुम्भो ॥

जटि छस गंगा वसान, डेकि चन्द्रम शूबान ।
सुह मुसला वॅलिथ तनि छु, शिव शंकर शुम्भो ॥

काम क्रोध मोह गालुवुन, जगतस छुय सु पालुवुन ।
आशुतोष शिव शुम्भो, शिव शंकर शुम्भो ॥

शिव छुय पानु निराकार, आदि कारण ॐकार ।
ब्रह्माण्ड रूप सुय छु, शिव शंकर शुम्भो ॥

युस दरि शिव सुंद ध्यान, तस गछि दूर अज्ञान ।
कालु भय हरवुन छु, शिव शंकर शुम्भो ॥

‘द्वारिका’ लगाव तम्बु, छारुन शिव शुम्भो ।
भवसरस तारी सु, शिव शंकर शुम्भो ॥



हरि ॐ ॐ कारा

हरि ॐ ॐ कारा, हर हर ॐ कारा ।
जपु जपु ॐ कारा, ॐ हरि ॐ कारा ॥

आदि देव श्री गणेश, एकदन्ता गजानना ।
वक्रतुण्ड लम्बोदरा, ॐ हरि ॐ कारा ॥
ॐ ग्लों ॐ कारा, शिवोऽहं ॐ कारा ।
सोऽहं ॐ कारा, ॐ हरि ॐ कारा ॥

ब्रह्मा, विष्णु, मेहेश, कर्ता, धर्ता, हर्ता ।
त्रे कारण ॐ कारा, ॐ हरि ॐ कारा ॥

अ उ म कारा, नादुबिन्दु ॐ कारा ।
चोर पाद ॐ कारा, ॐ हरि ॐ कारा ॥

परम ब्रह्म परमात्मा, सत् चिदानन्द दामा ।
जगत का आधार, ॐ हरि ॐ कारा ॥

निष्कल निष्कामा, निर्गुण निराकारा ।
ब्रह्माण्ड रूप ॐ कारा, ॐ हरि ॐ कारा ॥

बचपन, जवानी, बुढ़ापा, प्राता, मध्यान, सायंवेला ।
समय की यह धारा, ॐ हरि ॐ कारा ॥

जाग्रत, स्वपुन, सुषुप्ती, भूलोक की यह बस्ती।
तीन गुणों का पिटारा, ॐ हरि ॐ वारा ॥

समसार का यह मेला, प्रकृति पौरुष की खेला।
काल के मुह में सारा, ॐ हरि ॐ वारा ॥

‘द्वारिका’ जपो ॐ कारा, खुल जाये मुक्ति द्वारा।
जन्म मरन से होगा छुटकारा, ॐ हरि ॐ कारा ॥



दुर्दशा दूर करान छि नौ दुर्गाये

दुर्दशा दूर करान छि नौ दुर्गाये,
नौ दुर्गाये छु जय जय कार।
जगत अम्बाये माजि शारिकाये ॥
दुर्दशा दूर करान छि नौ दुर्गाये ॥०॥

ओकदोह पूजान छिय शैल पुत्री,
द्वयि दोह पूजान ब्रह्मचारिनी।
त्रे ताप हरवुन्य छय प्रजाये ॥
दुर्दशा दूर करान छि नौ दुर्गाये ॥०॥

त्रेयि दोह पूजा कर चन्द्र घन्टा,
 चोरम दोह गच्छ शरण कूष्माण्डा ।
 भखृत्य व्रत दरान छिय श्रद्धाये ॥
 दुर्दशा दूर करान छि नौ दुर्गीये ॥० ॥

पाँचम दोह पाद छल स्कन्द माताये,
 दर्शुन हावान छि जायि जाये ।
 पूजा करान छिस लोलु तय माये ॥
 दुर्दशा दूर करान छि नौ दुर्गीये ॥० ॥

शयम दोह पूजा कर कात्यायनी,
 कात्यायन रियष् सुंज स्वय पुत्री ।
 राक्षसन गालान, दुख हरान प्रजाये ॥
 दुर्दशा दूर करान छि नौ दुर्गीये ॥० ॥

सतम दोह पूजा कर कालरात्री,
 कालस ति भय छुय अँम्य सुंदुय ।
 भखृत्यन रक्षा करान छय जायि जाये ॥
 दुर्दशा दूर करान छि नौ दुर्गीये ॥० ॥

ऑठम दोह पूजान छिय महा गौरी,
 गाह त्रावन छय अष्ट सिद्धि ।
 दुर्गा साक्षात व्वलसन आये ॥
 दुर्दशा दूर करान छि नौ दुर्गीये ॥० ॥

नवम दोह नवन कन्यायन छि पूजान,
खिर खण्ड खॉस्य बॅर्य बॅर्य ख्यवान ।
दान दक्षना दिवान श्रद्धाये ॥
दुर्दशा दूर करान छि नौ दुर्गीये ॥० ॥

लोल सान युस पूजि नौ दुगाये,
पूर्ण गछान तस कामनाये ।
'द्वारिका' पूजान सोरि आशाये ॥
दुर्दशा दूर करान छि नौ दुर्गीये ॥० ॥



दूरि प्यठ आसय बोझतम वीलुजार

दूरि प्यठ आसय बोझतम वीलुजार ।
माता स्यद लक्ष्मी छु जय जयकार ॥
'लोक भवन' माता छुय चोन स्यद पीठ,
पादन चान्यन दिमहा मीठ्य ।
नागस प्यठ कनि छु चोनुय दरबार ॥
माता स्यद लक्ष्मी छु जय जयकार ॥० ॥
तीर्थ राजन हुंज छख राज राँनी,
सॉरसुय जगतस राज करॉनी ।
महा काल भैरव छु चोनुय पॅहरदार ॥
माता स्यद लक्ष्मी छु जय जयकार ॥० ॥

भखुत्य यिवान योर छिय श्रद्धाय सान,
हारु बॉश्य दोह करान छिय बाह श्रान।
प्रदिक्षण करान छिय च़ेय बारम्बार॥

माता स्यद लक्ष्मी छु जय जयकार॥०॥

‘कॅज-मॉज्य’ ऑस्य चॉनी भखती,
जानावार बॅनिथ तॅम्य प्रॉव मुक्ति।
पंजव सुत्य तोछुन अति द्रायि जलधार॥
माता स्यद लक्ष्मी छु जय जयकार॥०॥

दूर गोस च़ेय निश मॉज्य छुस परेशान,
क्या ज़ानु कमि विज़ि गोम अभिमान।
शरण छुस डेडितल बोज़तम ज़ारपार॥

माता स्यद लक्ष्मी छु जय जयकार॥०॥

वनतम गछु कोत परुछ्योन छुस बुय,
मॉज्य दकु दोलन लोगमुत बुय।
बे वसीलन हुंज़ छख मॉज्य चुय मददगार॥
माता स्यद लक्ष्मी छु जय जयकार॥०॥

‘द्वारिका’ छारान छुय पनुनुय ओल,
सुय ओल ओसुस स्यठा यॅचकोल।
कॅम्यताम् कोरमुत छुम तथ लुरपार॥

माता स्यद लक्ष्मी छु जय जयकार॥०॥



दुर दशा दूर कर बोज़ ज़ारुपार

दुर दशा दूर कर बोज़ ज़ारुपार ।
माता स्यद लक्ष्मी छु म्योन नमस्कार ॥

लुकु भवनच कॅज माजि तप कोरनय,
जन्मस चोनुय नाव स्वरनय ।
चौनी ऑस स्वति सीवाकार ॥
माता स्यद लक्ष्मी छु म्योन नमस्कार ॥० ॥

पथ कालि हारतल ऑस बस्ती,
पानिच ऑसुख तंगदॅस्ती ।
कॅज माजि ओस पोन्थ सारनुक कारबार ॥
माता स्यद लक्ष्मी छु म्योन नमस्कार ॥० ॥

कॅज मॉज्य ऑस कॅचा भाग्यवान,
स्यद लक्ष्मी ऑस पूजा करान ।
ब्रोंठ कनि प्रकटयोस चोन दरबार ॥
माता स्यद लक्ष्मी छु म्योन नमस्कार ॥० ॥

हार बॉश्य दोह द्युतनस दर्शुन,
कॅज माजि वोनुन मंग क्या छय मंगुन ।
भखुत्यन क्युत मॉंगनस पोन्थ छु दरकार ॥
माता स्यद लक्ष्मी छु म्योन नमस्कार ॥० ॥

अनुग्रेह कोरनस सथ दिचनस,
 लोक भवन पुन्य नेरनच कथ वैन्यनस ।
 तति प्यठ अति द्रायि पाँ फ्रम्वार ॥
 माता स्यद लक्ष्मी छु म्योन नमस्कार ॥० ॥

वादु छुनस कोरमुत थजि वॉनी,
 शरण युस यिय कांह अज्ञॉनी ।
 बाह श्रान युस येति करि तारन पार ॥
 माता स्यद लक्ष्मी छु म्योन नमस्कार ॥० ॥

रुत युस आसि मॉज्य तरि पानय,
 तारतन मै ह्युव अनज्ञानय ।
 तिय दिम मॉज्य युस रोज्यम सार ॥
 माता स्यद लक्ष्मी छु म्योन नमस्कार ॥० ॥

चतुर भोज रूप मॉज्य छुय शूबिदार,
 शंख चक्र गदा पदम अथन हथियार ।
 राक्षसन आमृच करनि संहार ॥
 माता स्यद लक्ष्मी छु म्योन नमस्कार ॥० ॥

डेडि तल छु हुकमस प्रारान छुस,
 शर्मसार नेत्रव ओश हारान छुस ।
 रातस दोहस करान छुस वीलुजार ॥
 माता स्यद लक्ष्मी छु म्योन नमस्कार ॥० ॥

कांछा वॅनि ना माजि म्याने,
 'द्वारिका' छुय प्रारान डेडितल चाने।
 लोलु दादि सुत्य गोमुत छु बेमार॥
 माता स्यद लक्ष्मी छु म्योन नमस्कार॥०॥



भखत्यव सॅमिव सॉरी

भखत्यव सॅमिव सॉरी।

कशीरि तॅरव सॉरी॥

कशीरि हुंघ अँस्य निवॉसी, यँच कालुक्य वन वॉसी।
 ग्रीषमन अँस्य येति मॉरी, कशीरि तॅरव सॉरी॥

लोकु भवनु छय हारु बाह, शत्रन तति दिमव दाह।
 बाह श्रान तति करव सॉरी, कशीरि तॅरव सॉरी॥

भावु पोश निमव सुती, लागव तिम स्यद लक्ष्मी।
 त्रावव तति अँश्य बॉरी, कशीरि तॅरव सॉरी॥

अनहोस तस तति आर, नारस करि गुलज़ार।
 कासि असि लाचॉरी, कशीरि तॅरव सॉरी॥

कर सखर चुति 'द्वारिका', यितु कॅरिथ चुति श्राना।
 दिल फुटथुय छि सॉरी, कशीरि तॅरव सॉरी॥



मण्डली ह्यथ गछव देवी आंगन

मण्डली ह्यथ गछव देवी आंगन ।
जगत अम्बायि निश करव कीर्तन ॥

तुलमुलि समेमित छिय सॉरी,
पूजायि तति छनु अनवॉरी ।
केंह गॅयि पैदल केंह कारन ॥
जगत अम्बायि निश करव कीर्तन ॥० ॥

अज छय आँठुम बेयि रँचवार,
शोलु मारान क्या छु देवी दार ।
केंह करान छि प्रदिक्षण केंह कीर्तन ॥
जगत अम्बायि निश करव कीर्तन ॥० ॥

मातायि क्षीर खण्डची प्रीती,
भावु पोश ति निमव सुत्य सुती ।
जॉरी करहोस स्व छि बोजन ॥
जगत अम्बायि निश करव कीर्तन ॥० ॥

मातायि हुंद छुय बोड दरबार,
भखुत्यन दिवान छय भवसरतार ।
युस यिय मंग्यस तस तिय सोजन ॥
जगत अम्बायि निश करव कीर्तन ॥० ॥

‘द्वारिका’ ति अग्नि हे देवी दरबार,
 डेडि तल चन्दुछोन छुय शर्मसार ।
 भक्ति हीनस दितु भखती हुंद धन ॥
 जगत अम्बायि निश करव कीर्तन ॥० ॥



कश्यप मण्डलच माँ शारदा

कश्यप मण्डलच माँ शारदा ।
 असि कर दया माँज्य असि कर रक्षा ॥

शारदा माता चु माँज्य साँनी,
 भखचुम पाप शाप यिम छिम प्रॉनी ।
 सायि चोन रूज्यतन असि प्यठ सदा ॥
 असि कर दया माँज्य असि कर रक्षा ॥० ॥

शठभोज शारदा रूप चोन क्या शूबिदार,
 रंगु रंगु दोरिथ छिय अथन हथियार ।
 भखुत्यन करान छख माँज्य पालना ॥
 असि कर दया माँज्य असि कर रक्षा ॥० ॥

दोन अथन कलम दवात अमृत कलश,
 दोन अथन दोरिथ छख खडग धनुष ।
 अकि अथु अभयदान बेयि घंटा ॥
 असि कर दया माँज्य असि कर रक्षा ॥० ॥

चुय छख शब्दमयी शक्ति,
 चुय छख वेद गर्भा सरस्वति ।
 चुय छख वीना वादनी हंस वाहना ॥
 असि कर दया मौज्य असि कर रक्षा ॥० ॥

चुय छख महा विद्या, जगत माता,
 चुय छख मेघा शक्ति मोक्ष दाता ।
 चुय दिवान मौज्य धन तु सम्पदा ॥
 असि कर दया मौज्य असि कर रक्षा ॥० ॥

योगी तु ज्ञानी करान छिय अस्तुति,
 तिमन दिवान छख ज्ञान बुद्धि ।
 सरस्वति तु बुद्धि हुंज छख दाता ॥
 असि कर दया मौज्य असि कर रक्षा ॥० ॥

निर्मल मनु युस करि चोन ध्यान,
 ज्ञान विज्ञान छख तिमन बखशान ।
 पूर्ण करान छख मन कामना ॥
 असि कर दया मौज्य असि कर रक्षा ॥० ॥

आज़ार विज़ार युस थवि जान,
 आपदायन मौज्य नाश चुय करान ।
 दुःख दौघ सौरी करान छख दफा ॥
 असि कर दया मौज्य असि कर रक्षा ॥० ॥

शूबान क्या चोन शारदा पीठ,
पादन चाज्यन दिमुहा मीठ्य ।
'द्वारिका' लायान छुय डेडि तल सदा ॥
असि कर दया मॉज्य असि कर रक्षा ॥०॥



शारदा कर सोन मोकलन पाये

शारदा कर सोन मोकलन पाये ।
त्रावतय मॉजय शुहुल साये ॥

गुल्य गँडिथ मॉजय शरण अँस्य आये,
भखुत्यन गनेमुन्न चॉज माये ।
अंज़राव सॉनी कर्मक्य न्याये ॥
त्रावतय मॉजय शुहुल साये ॥०॥

भाव पोश ह्यथ मॉज्य इतिज़ारस,
कन थावतख च्रय ज़ारु पारस ।
पोशि पूज़ा करय लोलु तु माये ॥
त्रावतय मॉजय शुहुल साये ॥०॥

भाव पोश मॉज्य करतय चु सुविकार,
शत् शत् बार छुय सोन नमस्कार ।
स्योद करतु सॉन्य कर्म रेखाये ॥
त्रावतय मॉजय शुहुल साये ॥०॥

वीना वायान हंसस प्यठ सवार,
सरस्वति हुंजय छख अवतार ।
कनन कन वाजि छय मारान ग्राये ॥
त्रावतय मॉजय शुहुल साये ॥० ॥

भखुत्य पूजान छि सुबहन तु शामन,
रोटमुत छुख मॉज्य चोन दामन ।
पूर्ण करान छख मन कामनाये ॥
त्रावतय मॉजय शुहुल साये ॥० ॥

रतन दीप तु काफूर मॉज्य जालय,
नॉल्य त्रावय मॉज्य पोश मालय ।
प्रदिक्षण करान छिय बजि श्रदाये ॥
त्रावतय मॉजय शुहुल साये ॥० ॥

ज्वाला रूप छुथ मॉज्य त्रेय दौरमुत,
ब्रह्मांड सोरुय छुथ तेंचरोवमुत ।
जीव जॉच सॉरय बुजनु आये ॥
त्रावतय मॉजय शुहुल साये ॥० ॥

‘द्वारिका’ ति आमुत छुय चानि डेडि तल,
मुशकिल सॉरी करतस हल ।
गेविहे चाजे सु ति लीलाये ॥
त्रावतय मॉजय शुहुल साये ॥० ॥



छलु छांगरि गोम मन लोलो

छलु छांगरि गोम मन लोलो,

दयो वज कसू वनु लोलो ।

मनन कोरनम् सनु लोलो ॥

विषयन पतु पतु मन दोरान, अँन्दरी अँन्दरी छुम कोरान ।
अँन्दरी कोरनस पनु पनु लोलो, दयो वज कसू वनु लोलो ॥

संकल्प विकल्प छिस डालान, कोहन तु बालन छिस खारान ।
गुर्य सुंघ पौठ्य छु दोरन तु लोलो, दयो वज कसू वनु लोलो ॥

पारदुक्य पौठ्य छस थर थर, क्या वनय कँचा छस बाँम्बर ।
क्षण क्षण छुम चलन तु लोलो, दयो वज कसू वनु लोलो ॥

यि मन म्योन कोता छुय चंचल, विजि विजि छुम करान गांगल ।
छुस दपान गण्डहन रजि लोलो, दयो वज कसू वनु लोलो ॥

काँत्या कँरमस मे तदबीर, कँह ति छुम नु मानान कोरनस गीर ।
तोमुल मंज नोन नेरन जिन कनु लोलो, दयो वजा कसू वनु लोलो ॥

हसद तु वैर सुत्य गछान चंचल, काम क्रूध लूभ सुत्य बनान छुस बल ।
मज्जुदार छारान छु ख्यन लोलो, दयो वज कसू वनु लोलो ॥

ही दय करतु वज म्योन चारय, मनन कोरनस बु आवारय।
छुस दपान चलुहा वन लोलो, दयो वज कसू वनु लोलो॥

‘द्वारिका’ मॉनिथ ना च़ेय हार, कोनु छुख त्रावान चुय अहंकार।
कर्ता धरता छु सोरुय मन लोलो, दयो वज कसू वनु लोलो॥



ग्वरु देव म्योन रेहबरय

ग्वरु देव म्योन रेहबरय, सत् संग दिम हे सत् ग्वरय।
कुसंग निश रछतम हरय, सत् संग दिम हे सत् ग्वरय॥

रजोगुण तमोगुण येलि कलु कडान,

क्रोधस तु मोहस ग्वड बरान।

दोबरावतख तिम ग्वर वरय॥

सत् संग दिम हे सत् ग्वरय॥०॥

क्रोध मोह मनस चंचल करान,

ध्यान धरनायि छलि-छलि करान।

मन छु फेरान पतु दर दरय॥

सत् संग दिम हे सत् ग्वरय॥०॥

माया मोह भ्रम दूर करुम,

अहंकारस मे सूर करुम।

सत् कर्म मे करनाव रेहबरय॥

सत् संग दिम हे सत् ग्वरय॥०॥

ईरय मे गौमुन्न नाव छम,
 बोठ चुय खारतम रठ तु नम।
 कासतम वज मे मर मरय॥
 सत् संग दिम हे सत् ग्वरय॥०॥

वनु क्या ह्यकान छुस नु वैन्यथुय,
 खोट्य कर्म आयम प्रकटिथय।
 चोनुय छुम वज आसरय॥
 सत् संग दिम हे सत् ग्वरय॥०॥

साधन तय संतन हुंद संग मे दिम,
 अध्यात्म ज्ञानुच ज्ञान मे दिम।
 सत् संग सुत्य भवसर तरय॥
 सत् संग दिम हे सत् ग्वरय॥०॥

संसारस मंज छिय कुत्य रंग,
 तरनुक उपाय अख सत् संग।
 सत् संग रंग सुत्य रग हरय॥
 सत् संग दिम हे सत् ग्वरय॥०॥

सत् संग रस येम्य येति चोवुय,
 तमिकुय खुमार तस नो मोदुय।
 'द्वारिका' ति चावतन अख ज़रय॥
 सत् संग दिम हे सत् ग्वरय॥०॥



सत् संग रंगनाव जंग लद पान

सत् संग रंगनाव जंग लद पान,

सत् संग गंगायि मंज कर श्रान ।

कुसंगस मंज खसी चैय हान ॥

सत् संग गंगायि मंज कर श्रान ॥० ॥

ग्वडु शरण गछ श्री गणेशस,

पतु रठ पाद चुय ग्वरु देवस ।

सुय भावी चैय सतकुय ज्ञान ॥

सत् संग गंगायि मंज कर श्रान ॥० ॥

सत् संग भवनु छुय ज्ञानुक दरबार,

अति छुय लगान संतन हुंद अकहार ।

व्यछुनावान तिम छि शास्त्र ज्ञान ॥

सत् संग गंगायि मंज कर श्रान ॥० ॥

शम दम सान करुन सत व्यवहार,

यम नियम सान ख्योन श्रूच आहार ।

मांस ख्योन त्याग कर लोचराव पान ॥

सत् संग गंगायि मंज कर श्रान ॥० ॥

पर उपकारुक थावुन छु भाव,

हाजत मन्दन हुंज यिनु थावख गाव ।

युस यिय मंगी तस तिय द्युन दान ॥

सत् संग गंगायि मंज कर श्रान ॥० ॥

यच्छ पछ थावन्य छय भरपूर,
 आपदायि गछुनय पानय दूर।
 सत् संगस मंज छु पानु भगवान॥
 सत् संग गंगायि मंज कर श्रान॥०॥

सुलि वोथ प्रभातन न्यति नियमय,
 श्रान संध्या कर प्रभात वेलय।
 गायत्री जप कर छुय सु महान्॥
 सत् संग गंगायि मंज कर श्रान॥०॥

‘द्वारिका’ सत् संग छुय अमृत धार,
 येम्य चौव सुय गव भवसर पार।
 अन्त सम्यस प्यठ प्रावि निर्वाण॥
 सत् संग गंगायि मंज कर श्रान॥०॥



सतची करतो चु ज्ञान

सतची करतो चु ज्ञान,	सत् संग मेलि भगवान।
सत् छुय अख भगवान,	सत् संग मेलि भगवान॥

हा पानु प्यतु पायस,	शरण गछ तु दयस।
जन्मन हुंज चली हान,	सत् संग मेलि भगवान॥

जन्मस यिथ कोरुथ क्या,	मायायि आवरूख ना।
मायायि मंज कडुन पान,	सत् संग मेलि भगवान॥

अहं भाव त्रावुन छुय, सम बुद्धि प्रावुन्य छय ।
ग्वरु देव मानुन भगवान, सत् संग मेलि भगवान ॥

यम नियम थाव भर पूर, कुसंग निश रोजुन दूर ।
शुद्ध थाव पनुन खान पान, सत् संग मेलि भगवान ॥

मास ख्योन कर सा चु त्याग, अदु बडी धर्मुक राग ।
हर ज़ीवस मंज छि प्रान, सत् संग मेलि भगवान ॥

‘द्वारिका’ सत् वेचार, सत् संगससय लार ।
सत् छुय अख भगवान, सत् संग मेलि भगवान ॥



दयस मे वन्योम छुस च्योन

दयस मे वज्योम छुस चोन बन्धय, पौपी तु गोनाहगार ।
पूजा बु करहय छुस शर्मन्दय, किथु लगयम भवसर तार ॥

दम दम पानस करेयम फन्दय, बूठ बास्योम संसार ।
सँदराह ज्यूठ वुछुम छुसनु कुनि अंदय, शान्त स्वभाव दम दार ॥

शुर्य बौच गरु बार सोरुय छु फंदय, मायायि हुंद कार बार ।
तन्हा पानस रोज तो अन्दय, दय नावय ओत सार ॥

मायायि चाने वगोरनम पंगदय, छलु वॅरनम बिस्वार।
कमि आशियानुक छुस बो बंधय, लेन देनुक कर्जदार।।

मोल मॉज्य चुय छुख छुस बो फर्जन्दय, हावतस वज दीदार।
ईर नाव गॅमुच लागतन अन्दय, छ्यनु गॅमुच मंजदार।।

‘द्वारिका’ परुछ्योन छुय अन्दवन्दय, छ्यनु गोमुत अज यार।
अथस थप वॅरिथ चुय पकुनावतम, दितस भवसर तार।।



दर्शुन हाव मे नन्दु लाल

दर्शुन हाव मे नन्दु लाल, छुख ना चु दीन दयाल।
प्रारान वोतुम यॅच काल, छुख ना चु दीन दयाल।।

देवकी निश आख जन्मस, गाह प्योव काँद खानस।
कनसस बॅनिथ आख काल, छुख ना चु दीन दयाल।।

भाद्र घटु पछ आँठम, अर्ध रातन ह्योतुथ जन्म।
नन्दु गाम वोतुख कालु कालय, छुख ना चु दीन दयाल।।

द्वद चौथ जसदाये, नन्दु गामुच गूर्य बाये।
गूर्य बालकन सुत्य मॉरिथ छाल, छुख ना चु दीन दयाल।।

जमनायि बँठ्य बँठ्य फेरान, गूर्य बालकन सुत्य खेलान ।
जमनायि मंज गँयी बाल, छुख ना चु दीन दयाल ॥

जमनायि वोठ लॉयिथ, काँली नाग मद वोल्थ ।
सूजथन सुय च़ेय पाताल, छुख ना चु दीन दयाल ॥

राक्षस गॉलिथ च़ेय, सत् ज़न पॉलिथ च़ेय ।
सुदामा रोटथन नॉली नाल, छुख ना चु दीन दयाल ॥

इन्दराज़स गव अभिमान, त्रावुन रूदु बारान ।
किस प्यठ तुलुथ गोवर्धन बाल, छुख ना चु दीन दयाल ॥

बन्सी ओसुख वायान, गूपियन ओस दिल तम्बलान ।
छारान ऑस्य च़ेय बन्सी लाल, छुख ना चु दीन दयाल ॥

गूपियन सुत्य गिन्दुथ रास, राधायि सुत्य कोरुथ अथुवास ।
मेति पनुन अथु चुय डाल, छुख ना चु दीन दयाल ॥

‘द्वारिका’ गोमुत छु पुरछोन, हरमोख किन्य दिवान वोन ।
हावतस वज पनुन खतखाल, छुख ना चु दीन दयाल ॥



हे दयि कासतम कालुन भये

हे दयि कासतम कालुन भये, लये चु यितमो ।
अनजान छुसय छुम नु कैह पये, लये चु यितमो ॥

पोपुर लारान शमहस छुये, दँजिथ गछान छुस सूर ।
आँखर तति क्या मुचान छुये, लये चु यितमो ॥

वनतम छारथ बुय कथ शाये, हर जायि चोनय जहूर ।
वाँतिथ पानु छुख हर कुनि शाये, लये चु यितमो ॥

पाप शाप हरतम म्याने दये, काम क्रूधस कर सूर ।
अन्तःकर्णन साफ़ कँरमये, लये चु यितमो ॥

सुबहन तु शामन छारथ बुये, भक्ति दितम भरपूर ।
मनस म्यानिस साफ़ कर खये, लये चु यितमो ॥

मन तु प्रान अर्पण करय चेये, शान्ती दितम भरपूर ।
अके लयिये मे गाश यिये, लये चु यितमो ॥

साधन तु संतन सुत्य थाव लये, कुसंग निशि चल दूर ।
सत् संगस मंज लबख पये, लये चु यितमो ॥

‘द्वारिका’ छांडान हर सो छुये, अरजी कर तस गोर ।
पानस सुत्य मिलनावुन सुये, लये चु यितमो ॥

भखृत्यो ज्ञान घर थावतो बअरथई

भखृत्यो ज्ञान घर थावतो बअरथई ।

सुमन करान चुय रोज़ ॥

पनुनिस धर्मस प्यठ रोज़ देंअरथई

सत् कर्म करान चु रोज़ ॥

सुलि वोथ प्रभातन श्राना केंअरथई ।

तन मन नॉविथ रोज़ ॥

न्यति नेमु सन्ध्या वन्दना केंअरथई ।

ब्रह्मन कर्म छुय बोज़ ॥

संग थाव सुती सतजन पोरषन ।

कुसंग निशि दूर रोज़ ॥

करनावनय तिम ज्ञानुक दर्शुन ।

सत् संग करान चुय रोज़ ॥

यथ कर्मस कामना छि शरथई ।

तथ छुन अर्थय बोज़ ।

यथ धर्मस मूक्षिदामन शरथई ।

तथ धर्मस निशि दूर रोज़ ॥

यथ ध्यानस मन छुन शोम्रथय ।

तथ ध्यानस छुन सोज़ ॥

यथ श्वास उश्वासस मंत्र नु सुती ।

सु शाह ज्ञाये बोज़ ॥

‘द्वारिका’ रोज़तो ध्याना दँअरथई ।

ईकान्तस मंज़ रोज़ ॥

मोनम दँरिथ कन दऑरथई ।

अनाद शब्दय बोज़ ॥



महा वीर हनुमानई

महा वीर हनुमानय,

राम राम छु ज़पानय ।

निष्कल निष्कामय,

राम राम छु ज़पानय ॥

अंजनी छस माता,

कैसरी छुस ना पिता ।

पवन पुत्र छिस वनानय,

राम राम छु ज़पानय ॥

बोछि लँज हनुमानस,

खेनि गव सूर्यि देवस ।

ओसुस शुर्य भावय,

राम राम छु ज़पानय ॥

मोखस बोरुन सूर्य देवय,

बास्योस सु ख्यन मेवय ।

ज़गतस गव अन्धकारय,

राम राम छु ज़पानय ॥

देवी तु देवता आयि लारान,

त्राहि! त्राहि! ओश हारान ।

कोरहस वील ज़ारय,

राम राम छु ज़पानय ॥

यलु त्रिवुन सूर्य दीव, ख्वश गॅयि सॉरी दीव ।
दूर गव अन्धकारय, राम राम छु ज़पानय ।।

हनुमानस छि कौत्या ज़ोर, अकि छालि तौर सागर अपोर ।
स्वनु लंकायि कौरुन मिसमारय, राम राम छु ज़पानय ।।

येलि बेहोश गव लक्ष्मन जी, पहाड़ ह्यथ अँनिन संजीवनी ।
नालुमति रटान छुस रामय, राम राम छु ज़पानय ।।

वर द्युतनस चिरंजीवी, राम नाम योतताम छुय ।
सॉरी छि पूजानय, राम राम छु ज़पानय ।।

‘द्वारिका’ छुस पुजॉरी, संकट कास्यस सॉरी ।
संकट मोचन भगवानय, राम राम छु ज़पानय ।।



दयो चु छुख दयावान

दयो चु छुख दयावान, पुशरोवमय मे पनुन पान ।
बु हा छुसय अंज़ान, पुशरोवमय मे पनुन पान ।।

देवता तु बेयि कारण, चोनुय छि ध्यान दारन ।
मटि छुय सोरुय जहान, पुशरोवमय मे पनुन पान ।।

ताबे च़ेय त्रिज़गत छुय, तँथ्य चलावान छि चॉनी शक्ति ।
हनि हनि मंज च़ु सनिदान, पुशरोवमय मे पनुन पान ।।

यस करख पर्द पूशी, सु ना वुछि ज़ांह ति सख्ती ।
मेति रोज़तो मेहरबान, पुशरोवमय मे पनुन पान ।।

नम रटख यस च़ु नावे, तस ना वेंह परवाये ।
परमय गती सु प्रावान, पुशरोवमय मे पनुन पान ।।

पूजहथ सुब शामय न्यथ, दितु मे तिथुय साम्थ ।
छुस ना बु चोन सनतान, पुशरोवमय मे पनुन पान ।।

च़ेय रोस्त कुस छु म्योनय, यस भावु हाल पनुनुय ।
भखुत्यन छुख च़ु टोठान, पुशरोवमय मे पनुन पान ।।

सायि पनुनुय थावतम, वनास्ताम साँरी गम ।
'द्वारिका' छुय ज़ॉरी करान, पुशरोवमय मे पनुन पान ।



अनन्त रूप विष्णु भगवान

अनन्त रूप विष्णु भगवान, दितमो मे भक्ति दान ।
करहा बु चोनी गुणगान, दितमो मे भक्ति दान ॥

शान्त आकार चोनुय, शीष नागस प्यठ शूबवुन ।
जगतस छुख चु पालान, दितमो मे भक्ति दान ॥

कति मंगान छुस बु मुक्ति, दितमो पनुन्य भक्ति ।
छुस बु मूर्ख तु नादान, दितमो मे भक्ति दान ॥

जर जरस मंज बँसिथ चुय, ज्ञान बुद्धि दितु मे ।
अर्पण करय मन प्राण, दितमो मे भक्ति दान ॥

सासु बँद्य नाव छिय च़ेय, जीवस मंज बँसिथ चुय ।
देवता ति छिय पूजान, दितमो मे भक्ति दान ॥

ब्रह्माण्ड रूप चोनुय, भखुत्यव प्रजनोवुय ।
मेति दितु पनुनी ज्ञान, दितमो मे भक्ति दान ॥

व्यन्ती चुय बोजुम, ज्ञान बुद्धि मेति दिम ।
पूजुहथ बु भखती सान्, दितमो मे भक्ति दान ॥

करुहा न्यथ संग,
भावुहन तिम मे ज्ञान,
संतन हुंद दिम संग।
दितमो मे भक्ति दान॥

चोनुय छुस बु दास,
माया छम फसावान,
आवागमन मे कास।
दितमो मे भक्ति दान॥

चठतम यि माया जाल,
काम क्रोधच चटुम हान,
चुय छुख दीन दयाल।
दितमो मे भक्ति दान॥

वषनायि जाल वोलनम,
'द्वारिका' छुय परेशान,
मम्तायि गंड फ्युरनम।
दितमो मे भक्ति दान।



जय हनुमाना अति बलावाना

जय हनुमाना अति बलावाना ।
राम राम रटयो रे, प्रभु मन बसयो रे ॥

सीता राम राम राम सीता राम राम राम,
जो कोई आवे, अर्जी लगावे, सब की सुनयो रे ।
प्रभु मन बसयो रे, राम राम रटयो रे, प्रभु मन बसयो रे ॥०॥


अंजनी के लाला, फेरू तेरी माला, कृपा करयो रे ।
प्रभु मन बसयो रे, राम राम रटयो रे, प्रभु मन बसयो रे ॥

ना कोई संगी, ना कोई साथी, रक्षा करयो रे ।
प्रभु मन बसयो रे, राम राम रटयो रे, प्रभु मन बसयो रे ॥

अर्जी हमारी, मर्जी तुम्हारी, संकट हरयो रे ।
प्रभु मन बसयो रे, राम राम रटयो रे, प्रभु मन बसयो रे ॥

‘द्वारिका’ आया शरण तुम्हारी, पापों की गठरी हो गई भारी ।
पाप शाप हरयो रे, राम राम रटयो रे, प्रभु मन बसयो रे ॥





द्वारिका नाथ कौल

‘द्वारिका’

13/01/1941 - 25/11/2014